



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa
21 Outobru 2013

**Lideransa Lokal apresia prezensa JSMP nian hodi hametin konfiansa públiku
ba setór justisa**

Judicial System Monitoring Programme (JSMP) liuhusi Unidade LRU no Relasaun Públiku (Outreach) hala'o treinamentu kona-ba "Asesu ba Justisa" iha Suco Oques, Sub Maucatar, Distritu Covalima.

Partisipante ne'ebé partisipa iha treinamentu ne'e kompostu husi estrutura suco sira ne'ebé inklui xefe suco, xefe aldeia, lia nain, feto rua no joventude feto no mane. Partisipante sira hamutuk ema nain 30, mane na'in 15 no feto na'in 15.

Matéria treinamentu ne'e kobre asuntu sira kona-ba direítu ema nian, knaar juis, prokurador, advogadu privadu no defensor públiku, klasifikasaun kazu krime, sira no oinsa comunidade sira prosesa kazu krime sira tuir sistema justisa formal.

"Treinamentu ba lideransa komunitáriu sira nu'udar komitmentu ida husi JSMP hodi bele kontinua fahe informasaun legal ba lider komunitária ho ninia estruruta tomak. Tanbá sira mak responsavel prinsipal iha baze nune'e sira bele kontinua hatutan ba comunidade ne'ebé seidak iha koñesimentu kona-ba lei no dalan ba justisa formál," dehan Direitór Ezekutivu JSMP, Luis Oliveira Sampaio.

Iha parte seluk Xefe Suco Oques, Sr. Pedro Amaral iha ninia abertura espresa sira nia sentimentu kontente no orgollu tanbá JSMP bele hili ninia suco hodi fahe informasaun legal ba sira. Tuir xefe suco ne'e katak treinamentu ne'e aliende atu hasa'e no aumenta sira nia koñesimentu ba asuntu legal, oinsa atu rezolve kazu sira tuir dalan sistema formal, iha parte seluk treinamentu ne'e mós atu hametin sira nia konfiansa iha setór justisa.

Tanba ne'e, hanesan xefe suco husu ba comunidade sira liu-liu ba estrutura suco sira ne'ebé partisipa iha treinamentu ida ne'e, atu bele fo atensaun másimu ba materia sira ne'ebé fasilitador sira hato'o, nune'e informasaun sira ne'e la-bele lakon deit, no bele hatutan fali ba comunidade seluk.

Partisipante sira ne'ebé maka marka prezensa ativu tebes, no hatudu sira nia interese atu hatene klean kona-ba materia sira ne'e. Sira mós rekomenda atu treinamentu hanesan ne'e bele kontinua iha sira nia suco rasik no suco seluk.

Tuir planu, treinamentu hanesan sei realiza iha fin de Outobru 2013, iha Distritu Oe-cusse.

Atividade treinamentu ne'e realiza tanbá hetan suporta husi Finlandia.

Atu hetan tan informasaun kompletu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone:3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPTl